

SESIÓN: VENRES 15 DE MAIO, 2020.

L. GALEGA

3º DE ED. PRIMARIA

---

Bos días, nenos e nenas:

Para rematar esta semana, imos facelo presentándovos o escritor que este ano se dedica o día das Letras Galegas: Ricardo Carvalho Calero.

Ademais de celebrar sempre esta data, este ano celebrarémolo con máis orgullo, se cabe, xa que o homenaxeado é un escritor ferrolán.

Vóuvolo presentar:

# RICARDO CARVALHO CALERO



**DÍA DAS LETRAS GALEGAS, 17 DE MAIO DE 2020**

*Seminario Galego*

Equipos de  
Dinamización  
da Língua Galega

XUNTA DE GALICIA  
CONSELLERÍA DE EDUCACIÓN, UNIVERSIDADE  
E FORMACIÓN PROFESIONAL

Ricardo Carvalho Calero naceu en Ferrol (A Coruña), o 30 de outubro de 1910. Era o maior dos seis fillos que tiveron M.<sup>a</sup> Dolores e Gabriel Ricardo, os seus pais.

Ricardo realizou os seus primeiros estudos nunha escola da rúa Magdalena e noutra dirixida polo escritor Manuel Comellas, as dúas de Ferrol. Fixo o bacharelato por libre e os estudos universitarios en Compostela.

Foi membro do Seminario de Estudos Galegos, onde coincidiu con Castelao, Otero Pedrayo, Risco, Cuevillas...

Colaborou en moitas revistas galegas: *A Nosa Terra*, *Nós*, *Guión*, *Galiza*, *Resol*, *Universitarios*, *Papel de Color*... e é autor de libros de investigación sobre a nosa literatura e o noso idioma.

En 1965 incorporouse ao Instituto Rosalía de Castro de Santiago e posteriormente á universidade compostelá, da que foi o seu primeiro catedrático de Lingua e Literatura Galega.

Defendeu a postura de que a lingua galega é unha variedade da lingua portuguesa.

É autor de *Gramática elemental del gallego común* e de obras de teatro, poesía e novela.

Ingresou na Real Academia Galega (RAG) o 17 de maio de 1958 e o seu discurso tratou sobre Rosalía de Castro.

Pola súa defensa do idioma galego e da nosa cultura, a RAG dedícalle este ano o Día das Letras Galegas.



RICARDO CARVALHO CALERO



EN 1971, GALAXIA PUBLICOU *SOBRE A NOSA LINGUA E LITERATURA*, UN DOS MOITOS TRABALLOS DE RICARDO CARVALHO.

# ACTIVIDADES BIOGRAFÍA CARVALHO CALERO

## 3º EDUCACIÓN PRIMARIA

1.- Atopa na sopa de letras os seguintes nomes propios que aparecen na biografía do autor.

- ROSALÍA
- GALIZA
- CASTELAO
- RICARDO
- DOLORES
- RISCO

E	R	G	T	G	L	E	C	P
G	R	O	S	A	L	I	A	A
L	I	C	A	L	A	U	S	L
U	S	L	X	I	S	N	T	H
T	C	C	B	Z	T	R	E	F
R	O	Ñ	A	A	E	U	L	E
D	O	L	O	R	E	S	A	S
G	R	I	C	A	R	D	O	O

2.- Forma a frase correcta sobre Ricardo Carvalho coloreando un recadro de cada columna.

<b>Nace en Ferrol</b>	<b>o 24 de outubro</b>	<b>de 1915</b>
<b>Nace en Pontevedra</b>	<b>o 30 de outubro</b>	<b>de 2010</b>
<b>Nace en Ourense</b>	<b>o 30 de novembro</b>	<b>de 1944</b>
<b>Nace en Lugo</b>	<b>o 21 de abril</b>	<b>de 1954</b>
<b>Nace en Monforte</b>	<b>o 10 de xaneiro</b>	<b>de 1910</b>

3.- Ordena cronoloxicamente os acontecementos na vida de Ricardo Carvalho Calero.

Incorporouse ao Instituto Rosalía de Castro.

Realizou os seus primeiros estudos en dúas escolas de Ferrol.

Ingresou na Real Academia Galega.

Fixo os estudos universitarios en Compostela.

Naceu en Ferrol o 30 de outubro de 1910.

Fixo por libre o bacharelato.

Dedícanlle o Día das Letras Galegas 2020.

4.- Calculamos? Ricardo Carvalho Calero naceu no ano 1910 e ingresou na Real Academia Galega en 1958. Cantos anos tiña nesa data?

Monumento a Ricardo Carvalho en Santiago. Autor: José Molares.





Estas actividades foron realizadas polo “Seminario Galán”. Se queredes saber máis, déixovos o enlace directo para que podades acceder:

[http://seminariogalan.org/2020/ACT\\_3\\_ED\\_PRIMARIA.pdf](http://seminariogalan.org/2020/ACT_3_ED_PRIMARIA.pdf)

Tamén, vos deixo os seguintes enlaces:

<http://primaveradasletras.gal>

<http://aspitas.gal>

Estes, recollen información sobre o autor e a súa obra.

---

**A semana remata, estou moi contenta co voso traballo. Seguide así!**

**Bótvos moito en falta, pero cada vez queda menos.**

**Coidádevos moito.**

**Moitos bicos.**

**Loli.**

